

Che crescha e prosperescha illa Val Müstair?

A quista dumonda as dedichescha il Di da GEO da la diversità ingio cha expertas ed experts examineschan als 24 da gün la diversità da bes-chas, plantas, bulais e lichens in ün territori tanter Fuldera e Lü.

Sper las lavurs dals experts han lö differentes arrandschamaints chi pussibiliteschen ün'invista illas lavurs dals experts ed illa diversità da organissem chi vivan illa Val Müstair.

Il Di da GEO vain organisà dal Parc natüral regional Biosfera Val Müstair.



Origen

Be quai cha nus cugnuoschain, respettain e protegiam nus. Our da quista persvasiun ha il magazin GEO inizià il di da la diversità ed organisescha daspö l'on 1999 minch'on ün'arrandschamaint principal. Intant han lö in divers lös acziuns accumpagnativas, uschè eir daspö l'on 2011 illa Val Müstair.



Program d'arrandschamaints

Visitai ad üna o a plüssas occurrenzas e surgni ün'invista illas lavurs dals experts ed illa diversità da spezchas da la Val Müstair. Il lö d'inscunter as rechatta adüna pro l'anteriura chasa cumünala da Fuldera (direct pro la fermativa da la posta «Fuldera, cumün»). Da tour cun sai esa büschmainta e s-charpas adattadas a l'ora. Las occurrenzas sun gratuitas. Annunzchas nu fan dabsögn (excepziun: dombraziun da sulvaschina). Nus ans allegrain sün vos gnir.

Dombraziun da sulvaschina

ve 23.06.17 23:00 – 01:00

Accompagnai al guardgiasulvaschina Jon Gross ad üna dombraziun da sulvaschina nocturna. Cun ün vehichel drizzà aint spezialmaing inscuntrais cun ün pa furtüna a bes-chas sulvadias da not.

Indicaziuns: **Las plazzas sun limitadas, ün'annunzcha fin als 18.06.2017 es stringenta** via mail a constanze.conradin@biosfera.ch. Quist arrandschamaint vain pussibilità da l'Uffizi da chatscha e pescha Grischun.

Excursiun d'utschels

so 24.06.17 07:00 – 09:00

A quist'excursiun da bunura s'occuppais insembel cul ornitolog Martin Hofer dad utschels chi cuan illa prada. Cun ün pa furtüna pudais ir davo al chant jubilant da la lodola da prada o perfin dudir il clom da la quaglia crex.

Indicaziun: I dà la pussibilità da visitar davo l'exposiziun «Erlebnis Wiesenbrüter» i'l Chastè da Cultura.

Invista i'l muond fascinant da las plantas

so 24.06.17 09:00 – 12:00

Insembel culla biologa Sonja Hassold pigliais la diversità da las plantas suot la marella e scuvris detagls fascinants cha vus nu vais amo mai vis.

Spazi da viver aint il flüm

so 24.06.17 14:00 – 16:00

Cun instrucziuns dad Yvonne Bleiker scuvris svesc cun pinel e marella las bes-chinas chi vivan aint il Rom. Vus sarat schmorts sur da la blera vita aint ill'aua.

La diversità d'organisems tanter Fuldera e Lü

so 24.06.17 17:00 – 18:30

Ils experts dan prümas infuormaziuns sur da las differentas sorts, raritats e specialitats da lur retscherchas. As laschai surpender. A la fin vais la pussibilità da far viva culs expertas ad ün Aperò da Biosfera.

Fotos:

Daniel Fleuti: vista illa Val Müstair

Ivo I. Andri: erica, blauet

Valentin Pitsch: tschess barbet, lütscherna da mürs, muntanellas

Parc natüral regional Biosfera Val Müstair

Center da Biosfera, 7532 Tschierv

+41(0)81 850 09 09, info@biosfera.ch

www.biosfera.ch